

晚

晴

移

詩

匯

晚晴移詩匯卷八十一目錄

錢載 三十七首

趙佑 三首

謝墉 二首

盧文弨 二首

梁同書 四首

鞠愷 一首

張模 一首

博明 二首

顧光旭 十五首

平聖臺 一首

周天度 八首

胡德琳 四首

宦儒章 一首

蕭榕年 一首

萬廷蘭 二首

王曰廣 二首

沈作霖 一首

李蘊芳 六首

董元度 四首

黃達 三首

王宸佑 一首

于豹文 三首

晚晴移詩匯卷八十一目錄

阮葵生

七首

馮廷丞

一首

萬友正

一首

周大樞

六首

周震榮

二首

莊肇奎

四首

晚晴詩匯卷八十一

徐世昌

錢載字坤一號蘄石又號瓠尊秀水人乾隆壬申進士

改庶吉士授編修官至禮部侍郎有蘄石齋集

朱梓廬曰侍郎自少不耐爲舉業文爲之輒崛奇不合時不願益肆力於古漁獵百家尤以詩爲命獨窺古人奧緼鑿不已凌紙怪發險入復入橫出復出於古不名一家更歷萬里游壯觀嶽瀆吸靈奇之氣而張之故老益肆益硬郭頻伽曰蘄石齋詩洵音古意自成一家視曝書亭較深視樊榭山房較大集中古今體各有極至之處亦皆有顏放自適者終不得假雕飾不知者每以辛伯曰蘄石黃霽青師言嘉善東門外有劉子端者剗鬬老手也蘄石齋詩是其寫刻親見手稟改易甚多旁行斜注幾有不可辨者劉嘗爲退庵封翁述之如此壽師有詩云率意精心論不爲憑何辛苦證詩翁晚年手工

稟多塗乙須問當年老刻工

詩話蘄石論詩取徑西江去其粗豪而出之以奧折用意必深微用筆必拗折用字必古豔力追險澀絕

去筆墨吐逕金檜門總憲名輩較先論詩與相合而
萬循初孝廉光泰王穀原刑部又曾祝豫堂典籍維
誥汪康古吏部孟錫豐王孝廉仲鈞相與酬唱皆力
求深造不墮恆軌一時遂有秀水派之目繼其後者
蔣石子百泉編修世錫豫堂子明甫孝廉嘉穀原子
秋塋大令復各能尊其家學蔣石集申君親師友倦
倦不渝其於萬王祝汪諸君死生離合必見
於詩蓋溫柔敦厚發爲心聲固自有其本也

入七里瀧

雪灘霧初豁風利已臨瀧連山夾岸去中有碧玉江山根
互開闔江勢隨之撞纖纖被岸草安知非離茫人行出鳥
道我飯依魚缸弱煙炊不起響絕前村厖

嶺松蒼且深灘石淨以黑喔喔一雞高人家負崖仄地力
盡豈餘活身隨釣弋終宵聽江聲終歲見江色門前笭簪
收舍後罽羅卽晴雨出何之東西翠成塞客如掬水嘗勞
生此應息

舵行逐峯轉屢轉爲逆風峯峯當面起隱隱疑水窮來帆
掠峯出風力雲氣中我船送柔艣緩與江流東浪花風鬪
激綠散何迷濛上瞻峯影仄澹落陽光紅

行楚野見草花都不能名感賦

湘山日平遠碧澗時洞湫有草生其閒登降悅我目初陽
藹然照宿莽爲之馥豈非巖壑姿謂亦忌揚暴奈何值道
周顏色恐喧黷物生性苟貞相溷庶無慙

紅者亦有萼翠者亦有英彼芳誠自好媿不能以名夫草
焉用名楚產則楚榮始憐楚人詞喻草其鄉情目遇卽抽
思手攀卽發聲何必曲相假外飾衰中誠

宿湘山寺

黃華趨欲止翠巒卓且崇隔江峭壁面定窟釋子宮天晴

鳥喚侶屋敞林環叢仰焉石骨秀百億秋芙蓉淨土憶開
院歲晚迴其蹤妙明知徒增色相火一紅我客誰則主歌
歟牧牛翁西堂月初白杵杵三更鐘上與山響答下與江
聲通

馬文毅公彙草辨疑歌

聖廟忠節襄平公公所誤書惜未見公自作歌蒙難中維

時十有二年癸丑冬三桂叛延齡從廣西巡撫鐵男子鐵

子不怕死延齡謂公也御衣賜著何從容遺之大帽髮衝怒瀝血綰

城達三疏自經不得又復引佩刀鎮粵公能邀一顧囚首

排闥擊笏樓疾風授命烏金鋪闔門百口視如歸白日青

燐莽迴互時與公同處而被殺者公以下十二人與公別

僕男婦十九人先此凍餓死囚所者十三人又院丞唐正

發貢公子歸京師其家被殺者三人先後殉節五十四人

其姓名失記而死者不在焉

拘囚方四年幽憤草聖傳鉤摹十二帙草

字雜體無斯全

唐裴行儉撰選譜草字雜體數萬言

斯非皇象急就篇又豈

浮屠永素能專前正書況釋顧姬筆姬亦從公奮死歸於

天嗚呼瘞骨處廣福寺黑塔村碑

御製撫蠻滅寇將軍

又死傳弘烈巡遠雙忠祠八柱

憲皇卹先臣廟入昭忠仍

諭祭本朝元氣極盛諸公生

淋漓頸血爲君父亦旣青史名其名君不見以炭畫壁范

忠貞

天柱峯出雲歌

昨朝望峯峯筆尖一峯青出羣峯纖

郭祥正天柱閣詩今羣峯奔來一峯起

朝峽嶂道其左桃花色雲驚所瞻筆尖不沒千丈頂肩腰

覆抱濃如黏其下全山骨純紫獻疑謂照晨光暹餘峯自

碧身自露餘雲自白心自驚茲獨吉貝彈鬆鬆輕茜染之

久噴吐明而相透層層興輒不欲飛片片駐五里十里縵

縵華赤霄絳霄亭亭嬋藏精降神灑固然徐鉉灑山序於此藏精降神

漢武南嶽根株連含陽而起可無爲司命君住司元天唐元

宗夢九天司命真君爲霖豈私皖伯國歡喜自指書生鞭

現於天柱山置祠宇爲霖豈私皖伯國歡喜自指書生鞭

法華經雲有七德含水電光花色蒸空又何溼繽紛錦曳

溟濛煙我隨雲行雲已後躑躅馬蹏迴馬首三祖塔邊月

茫茫七星池上風颼颼勢參吳楚雲將孤孫僅灑山詩勢參吳楚分壑

判陰晴雲族偶雲中不入轉山前豁達秋原幾培塿

觀大唐中興頌刻石

天南唐後無如此元公之文魯公書體踰騷人擅約潔畫

若鐵柱撐空虛俯臨大淵削崖壁三百尺餘秋翠滴披草

讀之曉蟲寂天開靈境初何心客蓄奇懷遠相覲面石久
益欽兩公與唐家國誠哉忠江深山荒風露溼不語之語
精猶充盛極開元有天寶一侈應歡功再造乘輿歸來自
傳老收京設使監國爲何至遷宮泣難道春秋始終必正
之後世功罪虞曲辭職非南董借薛石王新建遂廬山碑

坐祝融峯頂石觀雲海歌

清晨齋心登岳顛西麓轉東螺逕旋最高已立南天門培
塿下見衡州前湘江南來一綫白五折北去明蜿蜒旁窺
靈藥峯之腋雲歸如水風飄然仰企軫宿峯之凹氛氲懶
吐如炊煙迴身瞥駭氣四合一物無見消諸緣斂襟更向
碧落進上封寺瞰濃相連日光迴照明且淨三百里鋪白
玉田輕風忽吹意宕漾數峯尖露如搖蓮卻指東隅正縈

鬱岩岩未辨何峯延身今據石岳盡此

朱子祝融峯句
雲山於此盡

尺俯海敞右肩有風不動平泱泱無風而動深迴漩少焉

左顧復饋餽如絲亂捲斜披縣丹林半失上封背峯東滃

滃峯西翮盤陀與我在雲上大虛之天惟倚天老松歸立

白榆竝奚取薛跡名紛鏘

巨石一岳之頂也松一根盤巨
石中高不過幾尺然數百年物

羅念菴祝融絕頂句樹傍白榆看石上
多刻字有趙崇度登陳崇古登二題名

小華陽歌

明代華亭高檢討磬山之石爲筆山第八洞天觀髣髴羣
仙門闢羣峯閒大茅最高屹南立中茅小茅西北環上館
洞西大茅對中館下館尋松關東西楚王淵相隔合流洞
水疑琤潺積金峯小寶磊訶龍池蜥蜴飛應還上洞下洞
極艸蛙七八洞透兼升攀豈惟泉東崖若劈深入幾步窮

源艱橫互三寸高及半陽陰僅寸羅屏顏最高之陰白玉
片晃朗黠黠心爲閒數傳未落廣濟庫吳鎮非我圖猶慳
試摩長史左紐檜采藥便踏秋苔斑

二硯歌

文信國玉帶生硯在內城牆謝文節
橋亭卜卦硯訪之並陳於几而作歌

昨見文節橋亭硯卻思玉帶生未見悠悠人海人豈知豈
知信國硯在斯二公英靈互天壤相友相於日來往二硯
相望五百年嘉會之禮無因緣得邀謝硯訪文硯是有鬼

神非偶然文山硯在疊山右端州洵堅歛不後

信國硯銘
云礪爾之

堅兮橋亭卜卦硯程
文海銘云不食而堅

此几此几逢今辰此堂此堂記春晝

炷香敬爲雙忠悲再拜恭惟兩丈壽丹心詩未題零丁伯

顏兵未趨皋亭公方性豪厚奉己硯亦務寡稀勞形

信國
硯銘

雖未紀歲月要是
在平居勤王之前

轉茶坂頭初旅食建陽市上罕交識公

祇麻衣哭向東硯應黧面愁占北何榮何悴貞節同見二
硯不見二公墨而搨銘卽鐘鼎匣而分手仍萍蓬堂閒几
淨意繾綣一片清氣留虛空

戴儀部文鏗齋飲沈存周錫斗作歌

蠟花搖搖客半醉重爲主人拈舊器吾州薄技近已無可
憐流轉還供士女娛張銅鑪黃錫壺匏尊王周銀盃朱後
來沈老亦煎錫粉合茶匳常接覲只如此斗方口酌酒多
環鑄杜甫飲中八仙歌我今一斗三斗五斗過欲放未放
愁摩挲款記康熙歲戊戌是歲僕齡纔十一鬢絲迴憶春
波橋沈老門前綠楊密

顏氏所藏魯公名印歌

唐印朱文觀者信銅花斑斑紅沫潤兩字左右方寸強顏

家世守此名印二十四郡忠臣無公名纔得天子呼杲卿
其兄眞卿弟貶公出公名不誣其時天下人望同不以名
稱稱魯公豈知此印到今好手舉公名精爽充我欲昌黎
名印得可雙顏印分芒色公行死矣韓生歸君命之銜皆
報國

琉璃廠肆見小方玉印一刻鞏固私印四字橋紐葫
蘆樣玉印一刻帝甥二字虎紐明鞏都尉物也輒
爲詠之

烏駁馬入承天門煤山山亭忍復云鞏府焚先劉府焚乃
獨未燬玉篆文帝姬去年悲已薨家無藏甲猶守城匱旁
黃繩子女繫毋汙賊手此帝甥兩字豈知早刻印甥兮甥
兮國俱殉藩封恨不二王曾巷戰嗟難二卿僅鞏固實惟

鞏永固省文繆篆美無度人之不亡帝左右玉之不變神

呵護一雙中有暗淚流華池豐屋春暫留主印樂安應竝

匣幾時南去在揚州

樂安公主小玉印在揚州錢唐厲鶚嘗作歌

集散木菴嚴侍讀已買得鞏忠烈公兩玉印出觀復

爲歌之

秦游橐金歸豈多急此恐誤他人磨昨爲言之今已得激
昂使我成悲歌我歌直爲鞏永固我悲不獨鞏永固茫茫
天地忠義人舊物流傳孰如故大江月照揚州城中有樂
安玉印明明年君歸攜此行兩印百年猶在京問何去去
江南程玉雖有字曾無聲願君與購貴主印後先漂轉重
合并香檀作匣蓋刻銘志趣差同號與名夫婦于人本不
輕況其家國關死生

雪懷陳明經經業

鄉人數南至經歲問音書對雪寒無藉思君嬾不如秋堂
新稻入午枕濁醪餘生事雙扉闔從傳與世疎
篋書長與借手勘若相論城擁湖風響臺明苑雪痕饑鷹
高不落僵木溼猶翻爲報今朝事微吟向寓園
故園當已雪君定幾篇詩折竹聲中得煎茶味外思吾人
年歲遣各自寂寥隨獨有麻衣淚都來兩鬢絲

紫柏山下留侯祠

祠屋近柴關高峯四面環猶傳赤松子相望定軍山事業
興衰際英雄氣數間洞門七十二惟有洩雲還

吳越武肅王祠

石鏡山荒歲屢更家王遺像肅朱萸蕭森錦樹秋風色帖

爰濤江白日聲歐史世家難盡信龍門年表有公評順天
不獨能存祀順天者存王猶仗臨安作宋京

三月五日先孺人生日痛成

籠翮思飛孰與哀哺雛未反母先摧茫茫縱使重霄徹杳
杳難將萬古迴廚下米薪如手辨蒲覓切堂前風雨莫花開

讀書兩字從頭誤直悔男兒墮地來

懷陳丈向中西安

來自蕪城實後余西江衝暑旋分袂重騎代馬堅冰滑已
出潼關落木初世路逡巡涇渭水古懷歷錄漢唐書塞鴻
信斷秋還老儻返鄉園有定居

宜亭新柳

完顏松喬少宰含青樓後臨積水潭縛茅
日宜亭蒙招以三月十九日雅集載昨得

汪孝廉豐玉里門耗是日走問孝廉兄康古於南
城又爲言陳明經乳巢歿涼州矣孝廉年三十而

明經六年不歸悲懷莫勝不能赴招明日開席上分韻詠宜亭新柳載當補作勉成三章其一呈少宰其二三自抒襟臆也次夕不寐又成二章復結一章併以送覽縣情無託猶賴觀世之久者感予焉

宜春亭子面湖西城上山光掃黛齊飛翠恰霑東角柳籠陰渾帶北門隄淡煙染雜濃濃露雙燕穿陪箇箇鵬聞道蠻腰催短拍當筵乞向樂天題

如夢難尋巷與坊舊游半繫故人腸驅車欲去驚寒食走馬歸來已夕陽鏡照未嘗眉皺斂哭孝泥沾曾不絮顛狂

哭明淨餅只合飯無盡灑作春空露水香

高拂樓臺下蘸池不論長短總成伊如何密密疎疎影絆

惹千萬萬絲桃李蹊邊愁獨立哭孝風流賞處倚天知

哭明但令相送還相見敢向人閒恨別離

寶花倉口起東風雞唱星懸賦惱公

雍正丙午春明經有和雙溪女子新柳之

什笛裏關山今是淚梢頭明月本來空一聲玉折涼州怨

萬里雲陰杜宇紅歸去傷心原有路依然水驛綠煙中

二月月圓圓不能

孝廉歿以二月十五日

千行雨溼溼難勝終然衣

袂飄何處定有闌干擁上層苑結微茫真可惜朦朧隔斷

太無憑比量搖落桓司馬如此春華百感增

亭名振觸悔今朝

明經尊甫先生康熙進士號宜亭

目極傷春不自聊豈

意公家園裏樹翻爲賤子卷中騷箋題慘綠關辛苦門掩

昏黃慰寂寥半挂簾鉤斜壓影一九月上正吹簫

長沙

天翠秋暉清復清江山迴合處開城霸圖寶始周熊繹騷
怨空傳漢賈生岳麓寺頭書擬讀湘潭驛口路催行已聞

早稻匙翻雪只少銀鱗鱸作羹

清流關

廣甯門外二千程齊魯河淮坦迤行突據岡巒高壘險全
收吳楚大江橫南唐入宋沿州堞西日迴風度使旌老我
重題秣陵柳不知猶似昔年情

趙文敏公寄右之兄札墨蹟

首云奉別已復三年中

望矯首不覺涕淚之橫集今秋累輩既歸子然一身僅有一小廝自隨未云十二月二十九日

羅綺難勝儼惠臨疎行矮本尙傳今繇來玉馬朝周客未
絕銅盤別漢心燕市夢孤將盡夜弁山春杳送迴音江南
合遣人才訪不獨王孫有故林

渡潯陽江

抖擻衣襟馬上塵潯陽相見若爲賓江明樓堞無兵革山

落村墟少逸淪曉日涼風青雀舫郡曹小吏綠陽津沙鷗
欲下翩還起驚怪霜鬚似故人

蒲州

縹緲薰風何處臺汾陰后土亦荒哉維南太華三峯倚自
北黃河九曲來鸛雀樓高春幾劫王官谷靜瀑如雷蒲州
合爲潼關守犄角方成用險才

寇忠愍公祠

功業汾陽只等閒嗟公憂國鬢雙斑君恩鬱鬱通天帶里
社青青少華山魏野有詩傳北使竹林遺廟向人間靖康
若主澶淵策何至蒙塵遂不還

檢先孺人遺篋得

載

己亥康熙五十八年雪夜詩

識字識忠孝療貧難復難兒時餘橐葉淚落忍重看

宿黃壩

三更好夢難萬里新愁獨杜甫祠前江薛濤井上竹

趙佑字鹿泉仁和人乾隆壬申進士官至左都御史有

清獻堂詩集

詩話鹿泉屢掌文衡文望與賈東皋埒以善制舉業名嘉慶丙辰與千叟宴自序言性不耐聲律自甲戌館蘇州黃氏園往來江介間事吟諷嗣後時作時輟然不自收拾存藁常題詩平實少風韻然章安句安亦學人之詩也

登石鼓山

廿四奇中第幾峯尋聲遠上翠芙蓉誰能文字摹周籀自有噌吰配石鐘晴日作雷聞隱隱斷厓過雨響淙淙莫辭踏徧莓苔滑殘碣摩挲到下春

夜雨偶成

北月余言分之二
蚩尤聲驕撼山動壓戶黑雲肩湏洞布被忽生夜半寒一
雷驚破塵埃夢如繩檐溜衝階鳴列缺過窗時一明萬條
銀竹喧未已明日起看山澗平

雨中下風門書所見

山居苦雨常怨咨冒雨行山山轉奇始歎造物有眞境未
從閱歷那得知朝辭霧窟下風門高低冥迷白晝吞曲崖
通綫近乍怖飛澗爭竇遠已喧屢屨不斷崕嶮積千百奔
洪相澎湃耳駭目眩應接忙盡若排簾或裂帛逶迤漸及
雲路亭一泉噴涌尤瓏玲牙排二拒束不得捲作白點落
空冥有若灌頂散醍醐又如千斛撒明珠老龍噴雪張鱗
甲玉女翻盆碎唾壺層層倒瀉幾尋丈非瀑非檻無名狀
不知其源在何許磴危蘚滑不可上憶昨來時未經見幻

忽端因雨中見此行頗覺快新獲崎嶇厯盡有餘善

謝墉字崑城號金圃又號東墅嘉善人乾隆壬申進士
改庶吉士授編修累官吏部侍郎降編修有安雅堂

詩鈔

詩話東墅迭掌文衡所識拔多知名士嘗謂論學當
北面汪容甫至今士林誦之直上書房二十餘年以
曠課左遷尋復入直仁宗嘗從授經東墅卒後
詔阮芸臺中丞處分其家事稱東墅而不名云

和覃溪池河驛

山縣水不經乃稱池河驛池河兩邑界通川湮前迹日中
市喧厯負擔度阡陌蚩蚩聚闐闐稍稍見居積貿遷猶古
風菽粟及麻麥交易無狙獪司市平其直居然唐魏風我
行所未厯飯罷陟岡嶺雲氣霽後赤搜奇任鹵莽汲古成
淫腋明發珠龍橋竟泝清流碧索塗慚冥行賴子得繩尺

歐蘇不再生與子數晨夕

鱸魚

豈爲秋風鄉思增
蓴羹菰飯要同登
神仙便是逢元放
羈宦能無感季鷹
曉市波浮催膳鼎
秋江霜下賤漁罾
莫誇玉鱠金齏法
攜酒蘇公樂不勝

盧文弔字召弓號槃齋仁和人乾隆壬申一甲三名進

士授編修歷官侍讀學士降六品京堂有磯漁詩彙

詩話槃齋初以馬姓舉京兆乃請復本宗出督湖南學政疏陳職掌不稱旨鐫秩乞歸遂不復出精校勘之學刻書十餘種皆極精審又錄其校語爲羣書拾補晚校儀禮注疏付刻未訖工而卒

送莫又張杖之潤州

新年初見黯離顏
楊柳纔青未可攀
有客萍蓬還獨汎
何人風雪最相關
寒衝鳬雁春前水
夢到金焦望裏山
我亦

扁舟向東去檣烏背發幾時還

贈盧荅園修其

寂寂揚雄宅惟君數往還交憐同臭味貧有好容顏疑義常從析新詩更許刪問來誰慰藉真意最相關

梁同書字元穎號山舟錢塘人乾隆丁卯舉人壬申賜進士改庶吉士授編修歷官侍講重宴鹿鳴加侍講

學士銜有頻羅庵集

詩話山舟書名滿天下亦工詩喜集杜句與儕偶酬唱風華雋瞻神韻彌遠嘗疾危篤見人持楹帖入其句云萬里煙雲開嶂戶一天風雨護神鑪病遂愈詩之通靈如此袁隨園謂其性不近婦人亦不赴人之宴故寄詩云一飯精嚴嘗選客半生孤冷不宜花行年九十不廢吟哦居鄉儉於自奉一冠數十年不干謁當道不爲人慶壽雜賓不廁坐

除夕

細羽不入門爲士大夫所矜式

珍重長筵樺燭遲閒情收拾付紅絲懶教夜半求如願笑
看鐙前拜阿宜一輩晨昏萊子夢兩年兄弟杜陵詩無多
殘臘堂堂去又耐寒風著意吹

人日同耦堂冲泉弟分韻得二蕭

良辰何處撰逍遙病後情懷特地饒已覺輕寒催短臘不
愁微雨暗連朝草堂賭飲聊三葉梅信探春定幾椒取次
閒街騎馬出試鐙風裏聽錫蕭

題翟意圖 元聽雪圖

漠漠山四圍三徑斷行跡中有擁褐者默坐數龜息寒風
刮地來灑窗聲淅淅林際老竹摧檐端飢雀唧萬籟不起
時聞根逗微寂此境靜者知吟懷冰雪滌

題孫頤谷侍御柳陰勘書圖遺照

烏府先生返澗阿多冠脫卻頭常科柳陰一適在思誤風
牀卷軸如星羅異哉短視江休復著紙巖電光飛梭經疾
史恙辨豪髮筆鍼墨灸窮缺譌政如養由射擬的蠅蝨大
逾車軸軻蘭陵將軍遭按劍地下有口不敢訶六書點畫
校尤細單行夾註蠶頭多人間善本不易觀插架手自編
排過曩者我友玉川子永日兀兀丹鉛磨與君往復或辨
難一句一義紛縷覲抱經仙去久宿草君亦身世催羲娥
獨我不學愧視肉炳燭無幾頭空幡不堪重過勘書處老
柳颯拉吹庭柯披圖坐對三歎息樹猶如此人奈何

鞠愷字廷和號梧圃山東海陽人乾隆壬申進士改庶

吉士授編修

酬紀心齋游平氏園林見懷之作

形埤集詩四卷之一
三
良朋勝地足句留何事臨風動遠愁池漲半篙初過雨井
飄一葉早驚秋青山碧樹多離索白露蒼葭舊溯游千里
鄉關暮雲隔勸君休上仲宣樓

張模字元禮號晴溪宛平人乾隆壬申進士改庶吉士
歷官吏部郎中有貫經堂詩鈔

臨湘道中

凌晨登古驛環抱萬山中竹影碎殘月松花落曉風奇峯
平地拔碧澗小橋通今日臨湘道雲鬢迴不同

博明字希哲號晰齋滿洲旗人乾隆壬申進士改庶吉
士授編修歷官雲南迤西道降兵部員外郎有晰齋

詩

詩話晰齋博學多識於經史詩文書畫圖書蒙古唐
古式文字無不貫串嫻習著鳳城瑣錄西齋偶得多

述遺聞逸事自
爲序刻行之

和孫笠山秀才憶燕詩

采蓮腸斷木蘭舟寂寞烏衣細語留水驛殘陽何處夢舊
巢新壘總成愁梁空故國三千里簾捲西風十二樓此日
蕭齋重惆悵浴蠶天氣話重游

山谷祠

宜州謔讖竟非訛墓道荒城宿草多一代黨人悲孟博中
天詩派竝東坡空堂歲晚陳雞黍古屋秋深挂薜蘿二十
四家誰續訂南諷宗嗣近如何

顧光旭字華陽號晴沙無錫人乾隆壬申進士由戶部
主事歷官甘肅甘涼道署四川按察使有響泉集

阮芸臺曰晴沙卸川臬赴雅州回省攜酒郊迎者數
萬人遲於武侯祠下三日乞假東歸云可憐何事繫

人思白叟黃童去後悲寒雨郊

坳三十里西風涕淚一千巵

詩話晴沙由諫垣出守甯夏後從軍入川所至有惠

政詩音節興象直逼唐人以隴蜀諸作爲最勝歸田

後輯梁谿詩鈔五十八卷自漢晉至清中葉凡一千

一百餘人選畢取諸稟埋之號曰詩冢作詩紀事並

徵和稱佳話云

夜發井陘

北斗錯落南斗橫出門騎馬雞初鳴殘月倒銜太行尾朔
風忽作胡笳聲我行西出井陘口氣酣拔劍凌幽并東方
半明猶未明仰見廢壘高崢嶸英雄成敗詎足論韓信去
後休談兵上倚巉巖下深澤背水之戰非上策左車奇計
果見用十萬雄師竟誰惜古今形勢未必同俯仰滄桑已
陳跡攢青疊翠一千尺山鳥山花送行客黃雲黯黯寒壓
關澗道陰陰水激石水濺濺石齒齒頗牧何人思將士挂

刀夜起行朔方功成謁帝明光裏

中衛道中口占

嶂疊峯攢未可攀清時猶戍勝金關唐宗宋代干戈裏此地何人飽看山

叱叱柴車黃犢輕陰陰白屋爨煙生誰知今日雲中守卻聽江南打麥聲

送伍尉

邊城二月河冰開千里萬里春風來春風吹面雪如掌忽聞凍雨灑窗響念君當上古輪臺令我臨風發遐想昔人征戰今人耕劍河飲馬雪海行輪臺城頭漢月白走馬川邊一川石石應爛盡月常明來照霜前夜行客賀蘭山樹青未青送行多向十里亭男兒投筆封萬戶莫言此去常

辛苦美人帳下畫彈箏大將營中夜撾鼓只道儒冠能誤人卻將毛穎自隨身呼兒牽過大宛馬騎出陽關不見塵

五原

霜落五原樹邊城朔吹哀亂泉隨地出孤鳥向人來漢節蕭關道唐宗靈武臺山川自莽蒼立馬一徘徊

次韻王觀察望雪山

祁連山上千年雪兵氣銷時玉色新落日單于收戰馬西風漢使議和親試吹羌笛頭應白欲寄寒衣信未真爭羨邊庭班定遠歸來萬里送車麟

嘉州舟行至渝

纖月上青衣迢迢春水肥如何萬里道不借一帆歸夜靜魚龍卧沙平雁鷺飛半江星斗外疑是舊漁磯

書生

書生豈必便鞍馬上將何妨解佩刀漢高犒師憂灞上屈
瑕舉趾狃蒲騷千金裘敝吾將老兩石弓開客自豪擒縱
應須籌策定莫煩西顧聖心勞

夕次邠縣和晝莊

萬馬今歸凱前宵雨洗兵花開石犀浦月上杜鵑城飛蓋
村笳動疎林騎火明艱難經五載邠酒爲君傾

宿伏虎寺

山僧伏虎後無虎亦無僧古雪看人跡明星是佛鐙鳥呼
千澗月猿嘯萬年藤一榻栽峯下心知最上乘

長老坪

我行繞山腰不復覩山足我行陟山脊又不見山腹故知

天下奇了不形起伏古臺倚軒轅陰洞闕鬼谷長老爾何
人青眉坐垂目冥以化諸有破凍滿寒綠飈飈鳴細泉森
森抽短竹行客斷糗糧煮雪佐茶粥上睇迷濛中層嶺蔽
陽復只恐芒鞋穿將投長老宿

華嚴中頂

五步一留連十步一錯愕及來造茲頂聊憩華嚴閣下悅
羣嶺趨嶺翠紛上薄闌干凌萬仞石海波浪作波遠天四
空騁望極寥廓水畫嘉陽田雲抹成都郭晴霞互如練千
里氣參錯顧茲本非頂虛中無倚著乃知大我心萬象此
開拓

忠州禹廟

塗山萬古鬱岩堯禹廟臨江更繫橈殿上鼓鐘三峽動夜

來風雨百靈朝天開黑水澄秋霽雲起黃龍捲暮潮自錫
元圭崇黻冕空巖竹柏和簫韶

高唐觀

朝雲暮雨自高唐宋玉微辭諷楚襄豈謂騷人眞弟子祇
將詞賦媚君王千秋文藻歸殘夢八月天河落曉霜惆悵
荒臺尋不得郢門煙樹鬱蒼蒼

觀嚴中允

繩孫

昇平嘉宴詩記恭賦

聖祖天縱神武姿興文偃武開康熙六合清照中天曦要
荒侯甸綏蠻夷秦蜀閩粵煩鞭箠滇南萬里飛紅旗二十
年冬奏班師明年上元放夜期帝曰臣民共樂之乃命張
宴慶允釐內廷臣英臣士奇傳旨預宴諸臣知泰交有道
式燕斯君臣相悅古所宜乾清宮啟雙蟠螭諸臣就列月

上時此時上下萬炬施陞立雙柱輝龍影歷陞升階自玉
墀文石欄楯光陸離黿山海市懸玻璃山川人物相逶迤
雲英錯采羅神芝諸臣上壽稱介禧虞廷樂作趨后夔虎
拜稽首鳳來儀天漿下賜金屈卮酒行以次光風吹陽春
一曲聲正遲笑言無禁荷聖慈內奏雲門協咸池須臾機
轉黿山馳風檣陣馬旋相隨盤盤綵樹何紛披更起獻酬
啜醇醪工歌既醉再拜辭未須問夜如何其月滿太液流
輕颺鵠序鵠立蓮漏移雪殘鵲鵲皆融怡俄傳天語出殿
帷紀此嘉宴須鴻詞漢家故事柏梁詩詰朝珥筆看撫髭
賡颺無事刻燭爲此詩首出聖藻垂諸臣分行筆下摘臣
荃楷書付劄削御製序文詔來茲繩孫拜賜奉恩私傳家
重寶雜鼎彝自記簡末字若絲文學侍從臣職司聖敬日

躋日孜孜誠正而後修齊治海寓樂業無瘡痍蚩尤不足
勞軒羲吾觀此記重有思揚本所賜恨未窺鼎湖弓劍難
攀追古先哲王奚所持惟與毗庶同安危君者中心臣四
肢股肱以情萬事墮崇階厚祿深倚毗笙簫酒醴非娛嬉
漢武侈大窮邊陲文武欲盡民周疲未調玉燭炫五枝青
史垂戒後世嗤帝心借鑑神肅祇和氣翔洽福所綏古云
樹德莫如茲訓典所載不吾欺巍巍蕩蕩昇平基上追雅
頌夫何疑

平聖臺字瑤海號確齋浙江山陰人乾隆甲戌進士改
庶吉士歷官廣州同知

枯槎

梁瑤峯前輩寓齋有枯柳一株梅村先生舊居
時物也乾隆甲戌之秋瑤峯前輩自作枯槎賦

屬商寶意先生諸桐嶼
吳鑑南暨予各紀以詩

蝶繭蜂窠駁蘇紋幾年珍重避樵斤婆娑寒夢三分月將
護春陰一段雲喜得菌芝稱瑞物曾從牛女證遺聞主人
滌筆金莖露不比東陽殷仲文

周天度字讓谷一字西陳號心羅錢塘人乾隆壬申進

士歷官許州知州有十誦齋集

法梧門曰錢塘周西陳刺史性豪邁好游覽所至輒
有吟詠辛未冬游九華作詩九影江行二首人多誦
之

詩話讓谷瑰奇沈博受業陳句山之門時文雄麗雅
不自喜性豪邁好游覽所至輒有題詠嘗與堇浦蒨
檐西顯南竹句山立松里詩社相唱和讓谷論詩
主少陵於近人喜翁山詩亦樸厚無浮光凡豔

題金聞石天山攬轡圖

丈夫貴壯游託意務開濟闔門詎事宜紆籌當遠諦與君
同鄉友結交始燕薊片言金石固情好逾兄弟尤軫用世

心六合一平睇余本凡庸質因君日摩厲困頓走塞垣君
遠更數遞雄疆綬遠城皇輿職方繫是地漢甌脫元封首
除雍旋踵遺育蕃烏桓錯白題石槐闢王庭猗玆大饗帝
歡仇水深黑盛樂宮崇麗一從六鎮設懷朔屹屏蔽人民
樂清宴毛物競般裔正光水德衰沈淪入荒翳倔強兜牟
族狂忍恣剗剗穹蒼厭昏德五日照妖沴豪椎鐵山碎力
奪金人祭單于設都護受降奉盟誓巨憝起幽陵荒服咸
反噬自此外聲教隔絕終唐世阻午部族昌遙輦霸圖繼
鳴髀室韋逐橫戈屬珊銳稽古制郡縣南面華風涖豐州
及淨州表裏山河勢金元代更易沿革事無替紂軍隸招
討羣牧準前例維昔勝國中義輪霾霧暄板升一以築宣
雲重顛濟所幸殺運終女戎生燕嬖表餌縻金縉墉言貯

婉孌艷麗四十秋疆場日睥睨桓桓我文祖西略六師逮
宏基恢漠南毳服走徒隸經今又百年山高水清厲書生
挾策至幕府富雄製寒泉九十九弔古足流滯礪絹寫作
圖紀勝擬書契別來三改歲相逢河淮篋維舟一夕共去
住兩迢遞三亭愼遲留行矣吾繼逝

立春日大雪有雷電雹次日大雪雷雹越十日又大
雪尺餘奇寒紀事

惟王首載春歲行攝提格青籥啟蟄房萬物未甲坼長街
競腰鼓臨望紀元夕土牛送滕六忽與謝仙迫同雲羃四
維急羽飛六翩乍如珠跳瓦俄看逕曳帛陽冰鼓陰火殷
動頓旁魄蘇蘇或遂泥索索更來號嚴風吹樛枝照耀雀
翎白旅人歎龜手重續齒餘齧吾聞古洪都方輿稱水澤

其地瀕江湖其俗便絺綌長虞炎精熾無慮元冥赫何渠
積淹旬黍律驕不易跋烏蹲寒號顧菟伏蝟磔得無載籍
誕或者司厯失昨宵氣加凜飛糝又騷驛夜漏咽層冰曉
色射窗隙龍戰警百萬鶴語動尋尺上天豈無意史氏慎
取索竹歌哀黃臺驚池拉蔡柵况今蓬婆外壯士猶負戟
誰歟薛孤延敢告莊青翟紀異咄咄詞放管落棗核

辛酉上元前二日同友人聯騎登張家口講市臺蓋
故明王襄毅諸公款奄旦處也時朔雪被野人馬
衣裘滿目寒色悵然興感作懷古四篇

危譙獵獵戍旗風川谷坡陀極望中雁翅接天排粉堞馬
蹏穿雪亂冰髮屯閒龍虎牙璋靜樂散鴛鴦玉帳空朔氣
宵來凝厚地同雲直壓大青東

榆木龍輦罷遠行天教此地作長城百年草草籌邊策列
成荒荒按伏兵北去黃雲垂大漠南來白日澹神京平生
不信東楊略陽武謀成勸息征

蒲坂經營跡已陳詔恩三錫見何頻四樓高下同甌脫六
廡騰驤盡護眞縱使紅顏駐青鬢難將白水誓黃巾定陵
往事銷沈久譽毀無端一愴神

甯城川出舊興和凍合渾流水不波禾黍被郊前代僅旗
裘入塞近來多名王自醉留犁酒大將休誇勅勒歌獨上
高臺重迴首興亡無際奈愁何

禮金地藏塔用王文成宿化城寺韻

翠微環列曉嵐深千丈浮埃迴不侵南紀江山呈履舄中
天雲日異晴陰香臺卓影疑無地花雨飄空別有林靈蹟

幾經收拾到抽毫虛費短長吟

帝網高懸法界中萬峯插笏盡來同仙人自葬玲瓏骨龍
女長依縹緲宮金刹鐙搖華藏月石田香護貝多風采眞
莫問來時路回首從教百慮空

胡德琳字書巢臨桂人乾隆壬申進士厯官簡州知州
有碧腴齋詩存

泊瀑布塘

維舟向古塘晚唱迴柔艣漁火一江星瀑聲終夜雨

過豫讓橋

知己由來異感恩此心難與眾人論野橋鳴咽聞流水疑
有當年國士魂

七夕前一日商雨亭邀同友人游七星巖

朝游棲霞巖午過棲霞寺寺古風泠泠松篁起清吹拾級
登空亭涼雨隨客至老僧能敬客椒苳相嫵媚久坐山雨
歇衣襟溼寒翠聽月期良宵呼雲與同睡

卧佛巖

千尺高巖瀑布流振衣五月訝深秋莫言此子津梁倦卧
聽滄江日夜流

宦儒章字含光遵義人乾隆壬申進士歷官桂陽知州

詩話含光先世本關氏元時避兵更姓晏至含光父
補諸生學使者爲更氏宦初知權陽崇善皆有政聲
入爲太常博士遷吏部主事復出
牧桂陽建鹿峯書院文教蔚興

客至

素心人忽來開樽芳園坐花開香自生禽言意如賀三春
此佳日馳如白駒過消息君諒知重觴勿嫌大

蕭榕年字霞村福山人乾隆壬申進士官連州知州有
裕昆堂詩集

雨後宿德州

霽色明遙堞停車欲暮天虹收千樹雨月破一溪煙帆影
斜侵岸笛聲清在船津亭尋舊館回首幾經年

萬廷蘭字芝堂號梅皋南昌人乾隆壬申進士官知縣
有計樹園詩存

詩話梅皋代人任咎繫獄十六年
集中儷紫軒一卷卽被罪時作也

望長城

雨過暮煙青風勁白草折山勢插天高牆垣爭巖嶮茲事
始始皇作計毋乃拙延袤數千里傷心民力竭纍纍死邊
城白骨耀晴雪九載鼎遂遷徒爲後王設有道四夷賓胡

爲自阢隍至今城下魂哭向秦時月

不寐

漫漫長夜寂不寢聽江流獨有三更月能生萬里愁岸鄰
雞報曙霜冷雁飛秋何處吹螺近殘更起戍樓

王曰賡字紹南號槐亭臨淄人乾隆壬申進士官興安
知縣有茂荆堂詩

信陽

信陽風物似南州澗底清泉次第流低處稻田高處麥松
篁陰裏飯耕牛

武勝關

鳥道迂迴武勝關籃輿敬仄馬蹢躅行來略似襄斜路半
面懸崖半面山

沈作霖字雨蒼號榆村歸安人乾隆壬申進士官平南知縣

過百花洲

誰移巖壑入江城石徑參差水木清荷背罥珠留雨意松梢偃蓋納秋聲賓朋時復傳觴詠花鳥猶然解送迎遁跡偏容高隱者至今廢圃憶雲卿

李蘊芳字湘洲武威人乾隆壬申進士官石城知縣有醉雪菴遺草

詩話湘洲博洽羣書胡宮允中藻視學雍涼以黃河賦試士得湘洲作稱為木元虛郭景純一流後中藻以文字獲罪湘洲亦被羅織平生著述甚富寄其書於同年生當獄急時付之一炬其遺詩若干首止存燼餘較之卓吾焚書猶存世間不逮遠甚亦足悲矣

放漏舟灘入七里瀨

耶耶集言四卷ノ二
三
巖溜蓄清響樵風振林樾挽棹沿洞溪岡巒互錯碑白石
激幽瀨蒼崖露峭骨天宇迴生光日華翻勃窣漩狀曲碕
通周覽窮檢括硤高秋氣鮮交疏錦綺綴蔓藻澹芳流粼
粼漱玉活澄淵理不違得趣興超忽側聞羊裘翁高卧擘
江月

靈溪汎看月至廣信

雲淨天高氣肅清青楓漁火光冥冥放舟遙傍曲溪行萬
里江空孤月明一重一掩東陵樹淒淒正對開舲處夜深
浪靜聲不聞獨擘瑤華吸風露

夜泊衢州

水木肅清夜江空人獨行漁燈穿葦亂山月落船明角動
嚴城閉灘迴宿鳥鳴秋風琴鶴里彷彿聽遺聲

夜抵丹陽

天空遲暮色燭小掩餘輝村杵犬虛吠野田螢亂飛孤光
生水閣殘月上江扉猶有風潭外漁人守釣磯

廣陵寄興

畫閣珠簾隱暮霞江南江北此繁華心傷詞客燕城賦坐
引清光浣女紗樓外有誰歌水調人間無種補瓊花薰風
煙月家家醉嘯徹官橋萬樹鴉

聞笛

玉筍洲邊月影微清音何處破煙霏欲摧山石疑蛟語忽
落江風見鶴飛葉響楓林兼斷續霜明漁火乍依稀離思
此日論飄泊辛苦南征不得歸

董元度字寄廬號曲江平原人乾隆壬申進士官東昌

教授有舊雨草堂集

詩話曲江詩和平爾雅不爲綺靡浮豔之態亦無鉤章棘句之習蓋根柢於義山而歸宿於放翁通籍後南游蘇揚間寄廬雅雨署中最久仕途偃蹇連蜚以歿故其詩清婉中多感慨之作

冬杪太史王丈西園先生暨之巖侍御紹衣翼子兩同年邀同李雲卜先生虞典孝廉游陶然亭

澹日冷平皋寒林倚荒圃招邀上孤亭不記春前路憶昨
早春游睇陽媚煙樹冰開新水融蘆長才如筍隔林紅杏
花嘒鶯不知處日月曾幾何蒼涼失其故一年京雒中十
丈迷塵霧何期心眼開噩夢如初寤高坐敞虛窗廓然成
野趣庾公興不淺少長愜情懌逝景不可追茲游良不誤
夜雨讀朱太史次筠李上舍蟠木聯句見示詩慨然

感賦

屋漏夜淙淙新舊雨相續短檠伴深更嗒然同槁木何來
石鼎詩忽忽動心目掩卷幾沈吟車輪轉腸轂束髮入名
場章句恥碌碌希登作者堂大雅繼芳躅麻中可直蓬他
山可攻玉出谷鳥嚶鳴友聲應林麓車笠訂雞盟上下雲
龍逐琴臺有朱君矯矯雲中鵠隴西佳公子溫溫荆山璞
先後結同心氣味芝蘭郁吾鄉名士多山川倍清淑佛慧
數峯青明湖半城綠俯檻聽鳴泉蠟屐訪修竹互答以行
歌夜闌更秉燭白雪罷吟壇慷慨思重築聚散十年間萍
飄不相屬強踏京華塵抗顏還走俗蒙頭雪千絲堆胸愁
百斛依然一故吾天高漸跼促繫我同袍友華藻振新沐
或登瀛洲侶然藜校天祿或鼓成均篋槐市扇芬馥聯牀
感離羣古道交相勸示我索和章百感互相觸回首憶同

游落落碁布局雲散而風流勝會詎可復況我本散人底
事自羈足風雨攪中宵舊夢縈心曲漁洋曾有言成句吾
能讀冷落鵲山湖幾人爲令僕

送同年孔芷堂農部奉使秦中

聞道風清瀚海頭輶車直向古涼州重臣分陝新開府星
使籌邊獨倚樓日射華峯蓮幕曉月明沙磧玉門秋知君
奏捷長楊日魯國儒生萬戶侯

假後寄故園兄弟

吾廬回首白雲深馬頰河干有杜林寸草頻年霜露感尺
書遠道弟兄心對牀夜雨懷坡顙策杖名山負向禽襍被
一肩書數卷漫從車笠較升沈

黃達字上之江南華亭人乾隆壬申進士官淮安教授

有一樓集

詩話上之早歲工詩思與吳中七子爭名刻意爲之日有課程集王延之諸人稱詩北郭

秦山望海歌

祖龍雄心控八極車轍欲窮神禹跡驅山直到海東頭千載猶傳馳道直一卷矗立張溪濱登臨咤叱驚鬼神阿房已燼陵隧毀至今山姓猶稱秦我來正值秋風發萬里滄波坐超忽扶桑若木望依稀鼃擲鯨呿紛出沒古今何事無變遷幾回海水成桑田高三過五竟安在惟有寒潮去復還

書文信國集後

泣聞哀詔度湖陰空振軍門戰鼓音王氣已從南海沒羣臣漫對北風吟出師慷慨隆中略擊楫飛騰江上心一木

終難支大厦厓山遺恨至今深

趙嘏宅

才名繼起已千春還說枚舉宅畔鄰我向秋風聞弄笛不知誰是倚樓人

王宸侑字吉人號端谷山東新城人乾隆壬申進士官萊州教授有端谷詩草

喬村雨霽

夜雨新晴後千山翠欲流鳩呼深樹裏潮落斷橋頭風定魚浮水煙消人倚樓耕夫各歡忭四野發清謳

于豹文字虹亭天津人乾隆壬申進士有南岡詩草

詩話虹亭詩千數百首其族弟巨樹爲之編次以漁洋訂考功集自况稱其詩清峻遙深歸於性情之正並舉彙中有題考功集句云連珠共信寒於水獨鶴何心解向人以爲可知其詩格所尚云

感懷

四十年來事淒然暮雨中飛騰慙去鳥蕭瑟近衰翁敢謂
詩書誤羞云篆刻工寥寥千載上此意竟誰同

閉門

閉門不羨鶴書頻魚鳥閒同萬物春小草曾嗤謝安石大
招無奈楚靈均江湖廊廟誰高下白髮黃金有故新卻笑
折腰彭澤宰歸來始號葛天民

小園漫興

賦憶蘭成百感生曩來蹤跡總營營晚菰早韭尋常味椎
髻蓬頭自在行素業河邊惟半畝故人天上有雙旌閉門
幸謝塵中客二仲頻來犬不驚

阮葵生字安甫又字寶誠號唐山江南山陽人乾隆壬

申舉人由內閣中書官至刑部侍郎有七錄齋集

詩話唐生以中正榜起家既改西曹壹意讀律讞獄多所亭平久次入諫垣遂自通政司參議超副秋官不數年卒好爲詩設消寒吟秋雨會與京朝士大夫雍容嘯詠嘗扈從灤陽與百菊溪瑞芝軒諸公廣和御製菊溪得句云小雨無聲忽到鞍唐生亟稱之以爲如讀南華迴不可及並次韻紀其事唐生卒後菊溪方督兩江令屬吏編刻其詩爲七錄齋詩選與集並行

野寺

禪扉半掩夕陽中
林外香風動塔鐘
行徧空階人不見
一聲清磬落孤松

千尺雪

入門千竿萬竿竹
森森蕭蕭戛寒玉
下有清流澄以深
坐令六月忘炎燄
粉闌一帶繞溪邊
翠草千叢繡山足
亭臺四面無正向
高下總隨山勢曲
鳴泉萬派落峯頂
波波折

折濠文敷接筒分引注滿池池前一片波光淥我過曲徑
走禪房拄杖山頭窮遠目涼風颼颼吹我衫秋林萬樹如
新沐遙聞天際落濤聲蚪松萬丈攢蒼綠有時天香雲外
飄悠悠鼻觀接芳馥勝地豈獨奔湍奇移步皆堪作畫讀
溪山信美非吾鄉登臨那得遽廬宿徒令游興成句留何
日一茅來卜築

題齊息軒宗伯雲起石譜用東坡石鼓歌韻

三月旣望日在丑入山獨訪杜陵叟執經願逐彭戴游登
門忽作籍湜走賤子半生俗在骨先生一見笑開口相將
促膝話從前細數離悰自別後手出珣玕累有千目瞤點
畫忘其九或如支離五粒松或如臃腫十圍柳宛委或如
夏后碑破碎或如亞父斗自謂青山雲盪胸不羨黃金印

繫肘挾拾如從沙揀金搜剔如妨苗亂莠苔花千載繡山
靈松嶺三年契石友小技甯誇蟲蝕書壯夫恥效虎初毅
幾疑入水呈龍龜不須破壁搜蝌蚪天剗斷斷屬巨靈怪
事咄咄驚耆耆先生生本具慧眼往往雲砂隨指喉每逢
出岫垂車輪便教蠟屐攜尊卣凝眸高矚向煙霄同睨旁
觀盡矇眛乍看千葉散芙蓉倏飄一髮懸岫嶁尋蹤直上
峯頂高鑿險終鑱石皮厚金翹破處露鼎鼎鴻寶攜來讀
某某茲事從來想絕無聞言那不驚頓有傳觀一似魚得
珠狂喜爭同囚脫杻世上兒曹盡葉龍近今書手同瓦狗
眞儒居處亦精靈天文隱現信非偶新語傳聞十二州好
詩哀集三千首南宮之袖不勝藏青田之根急須培會向
嚴陵去趣書莫教豪客來爭取

謂屬方蘇臺繕書一載未
歸又爲劉繩庵司農攫取

數十才劣誰憐覓句難詩成莫滌多生垢摩挲空作三宿
戀惆悵難爲期月守稽留山閣知緣深坐對春風慚學朽
何時負笈歸天台日餐雲母杖靈壽予繪天台採藥圖先生爲題樂府六解又
惠藤杖一枝

弔于忠肅公墓

甲光鱗鱗白日慘土木之變人喪膽舉朝縮頸占天星力
排眾議公獨敢根本一動大勢去言南遷者吾當斬此是
乾坤何等時安危乃以一身支威行片紙出軍府千里萬
里風霆馳摧殘大敵定社稷金甌無缺天子歸天子歸來
羣小暱亨等意耳辨奚益不惜身隨天柱傾自有奇勛貫
金石嗚呼先帝知其枉朕心憐其忠憲宗祭公文內語崇祠業業
銘旌功祇今穹碑蝕殘龍鳳字猶來披榛剝蘚尋幽宮三

台山下悲風起翁仲無言石麟峙回首棲霞一樣冤岳湖墓
南湖北風煙昏

淀河雜詠

摺疊蒲帆扇扇排往來曾不踏青鞋蛤田蝦渚都相似楊
柳荷花誤亦佳糧料淀今誤稱楊柳淀何家淀今誤稱荷花淀皆屬保定縣

栲栳園西夕照黃菰蒲煙水望迷茫草橋關口虹隄互羸
得兒童拜六郎栲栳園霸州村名草橋關益津關六郎隄馬紹隄舊志皆稱宋楊延朗所建

水宿沙眠樂有餘漁郎生小習丹居鳴榔跳版沿陂岸走
卻琴高赤鯉魚琴高趙人有祠

馮廷丞字均弼號康齋代州人乾隆壬申舉人歷官湖

北按察使有敬學堂詩鈔

秋日登陶然亭

葭莢荒荒水四圍
闌干獨倚對斜暉
塞雲度雁遙天闊
老樹吟風亂葉飛
幾日故人同載酒
祇今時節屢更衣
菊花正好情懷懶
爲悵登臨舊侶稀

萬友正字端友號虛舫阿迷人
乾隆壬申舉人官青神知縣有汗漫集

夜泊吳江

棹倚水雲外
秋生淡靄中
簾纖篷斷雨
舫趙雁回風
魚浦明村火
蘆花隱釣翁
客懷愁不寐
江岸聽吟蟲

周大樞字元木號園牧浙江山陰人
乾隆丙辰舉博學鴻詞壬申舉人官平湖教諭有存吾春軒詩鈔

詩話園牧於詩琢抉爬搔意欲參取諸家自成一體
舉大科未遇時果毅公訥親相裕陵柄政招園牧
爲上客日講通鑑數則園牧不屑攀援以他途進年
近六十始舉京兆充咸安宮官學教習敝袍徒步久

之得校官去生平與胡穉威萬循初交最善相與切
劇其詩豪邁似胡高秀似萬隨園稱其管仲墓句曰
浪說儒門羞五尺只今江
左幾夷吾猶非其至者也

漢宣帝行鐙銅槃歌

鄒升桓學士於市買得銅鐙槃
上有識云五鳳四年河東喬夫

山公有爲上林甘泉造行鐙因歌以紀
之齊次風胡穉威各有和詩余亦繼作

周秦以前不易得博古爭求漢時物行鐙無槃製河東上
有嗇夫名字勒曾孫才類武帝雄獨以賞罰綜羣工黃龍
五鳳作年紀生平好尙將毋同夜向甘泉祠太乙羽蓋芝
旗拂雲出銅釭銜燭耀天衢影落星河上白日一自黃貂
易黑貂諸陵松柏風蕭蕭此鐙流落亦何惜玉盃猶聞出
市朝土花分紫波分綠更閱千年如電速棄擲雲泥兩不
知高岸人間幾成谷翰林先生癖嗜古入肆殷勤贖五羖
歸來著手日摩挲愛劇紅肌十五女一曲雕龍感慨生轉

令舊事憶西京銅槃只是無言語何限千秋萬古情

海雲歌

吾聞海上三神仙曾城十二虛無間巨鼇鼉黿頑甲禿乘
風徙去乘潮還秦皇漢武無仙骨不見金銀耀宮闕定識
徐樂非浪言真有蓬壺浮磈砢東牟秋晚碧宇澄陽烏浴
翼投滄溟浮雲一朵起天際綿邈千里連蒼青奇峯複嶺
倏騰擲五嶽眞形變頃刻赤城霞標建高紫匡君瀑布垂
修白卧對眞如宗少文琴響泠泠動四壁忽從浮槎弱水
西丹邱縹緲望丹梯樓臺百座林端出鸞鵠千羣煙際迷
拍肩把袂飛仙人麤髦羽服青霞裙呼之欲下不肯下笑
我袒裼身賤貧我甯住世趨埃塵略欲識字窺皇墳但作
頑仙何足珍上界官府還紛紛亦有赤砂與白鵠行人牛

馬車輪囷若煙非煙縵五色窈窕錦繡開青旻信知造化
弄奇詭不獨珠宮幻蜃市我作長歌歌海雲蕭蕭聲捲秋
風起

雨夜

雨後江村路新泥屐齒加夕陽明晚稻秋水倒疏花碧岫
披雲出紅樓帶樹斜渺然成獨立歸詠後棲鴉

春夜聽雨

東風吹不斷疏響入瀟瀟酒醒鐙初暈人來夢未遙散春
連遠陌潤物到枯條他日添新漲留痕綠未消

寄家護谷古北口

悵望長城萬里强地形人意兩蒼茫新詩悲壯橫孤角古
壘崢嶸弔夕陽散牧千蹏邊草白射鵬幾片陣雲黃書生

弱翰功名晚不及軍中有蹶張

偕胡西垞穉威讀書石林禪房張爾康趙韞山各以

詩寄次韻奉寄

不妨丈室共談禪懶讀南華第一篇成佛未甘居謝後論
文那得在盧前聽鐘野寺千山裏打槩寒塘萬柳邊浮世
積埃安可問此生木榻會須穿

周震榮字青在號簞谷嘉善人乾隆壬申舉人歷官直

隸永定河南岸同知有簞谷詩藁

詩話簞谷覃研經術尤致力於三禮在官未嘗一日
廢學嘗病坊刻舛謬欲彙輯漢唐諸儒三禮注疏合
爲一書以惠後學彙成於永清官署以不戒於火遂
被焚燬此外所著書十餘種悉未刊行昨歲余門人
曹子乘章於廠肆中見其所著古文四寸學及正名
兩書底藁以價昂假而鈔之雖皆非定本亦可爲吉
光片羽之存蓋文人著作爲畢世精神所寄非時代
所能運沒有斷然者今簞谷所著飄零展轉於百數

十年後復得落於曹子之手曹子爲篋
谷女孫之孫冥漠中殆亦未忘付託乎

吳越王舍利塔

鳳凰山前萬松嶺碧波雲鶴空遺亭表忠觀但存二石金
塗塔況餘千齡深宮五夜範金土西域如來留影形白蓮
蹟古僧難問白石齋頭詩可聽家山夢遠桐鄉好雅事人
傳翠墨靈坐想臨安千載上篤生異人五季丁弩卻胥濤
樓疊雪衙排石筍山圍青萬姓依王王佞佛佛身千億千
穹冥蜀漢同時紛割據觸蠻一角悲憐螢叢叢誰衣山頭
錦戚戚終憐牛角颺翠鈿紫陌春花輦私第黃金海物瓶
還鄉唱罷王孫去保叔崔巍月入樞烏井荒祠遺老拜北
邙宿草東風醒君去更尋握髮殿蒼苔敗瓦或有功臣型
題黃小松吳寶鼎輒搨本

甯飲建業水不食武昌魚武昌材瓦以朽腐大初宮畔昭
明居昭明樓閣高千丈不作卑宮神禹想爾時陶旌盡公
卿此日遺文搜康豈黃金斑斕車耳失小篆猶存一十一
遙知礬鼓偏荒村木枿浮江非所恤蒼苔碧蘚吹東風燒
磚比玉堅相同紫蓋黃旗俱寂寞荒涼銅雀大河東銅雀
之研幾春秋此磚幸未經雕鏤江南春歸花草稠共醉田
間聊以支吾頭

莊肇奎字星堂號胥園秀水人乾隆癸酉舉人歷官廣
東布政使有胥園詩鈔

詩話胥園初以杜姓舉於鄉及官黔滇爲李相國侍
堯所倚用相國獲罪牽連遣戍伊犁十年始歸驟起
數年至粵藩詩強半在塞外
所作無題八首寄託最深婉

無題

東坡先生集卷之十一
三
更有何人不斷魂
春風如夢了無痕
瘴雲粉黛凋金齒
塞草琵琶度玉門
禁漏星移窮碧落
沙燐雨溼哭黃昏
舞衣歌板飄零盡
羞說明妃自有村

采葑下體忽遺捐
棄婦情同玉石堅
葵未死心終向日
鵠雖斷影不離天
秋風紈扇渾閒事
人面桃花已往年
儻許爲容理膏沐
猶能巧笑受君憐

次韻陳莼洙同人招飲鑑遠樓

一髮中原夕照斜
青山何處是吾家
倚樓有客吹羌笛
楊柳邊聲怨落花

一水西流萬仞山
亂鴻風急野鳬閒
天應有盡愁無盡
故壘春寒燕未還

晚晴移詩匯卷八十一終